

捎拂上所反嘴子委鷄鵠下音交精酷苦毒反笮香
音責上音七故反四徼惜特梓下音字特父也酢澁上古音昨非也善也簡間字上声遂私遠也響
鑊上盧掌反割督下俱擊反苞必交憚難也洒
洗鹿獮下俱漬溺反悲酸下在智反颺蒲未反著於張
虎號咷二字音反裸郎果反反赤体又胡反

正法華經卷第十

西晉三藏竺法護譯

正法華經妙吼菩薩品第二十三

舊方刊

在十

於是世尊能仁如來即從眉頂大人之相演百千光照於東方千八萬百億江河沙諸佛國土靡不周遍過是諸佛土有世界名莊嚴
照明其土有佛号離垢紫金宿華王如來至真等正覺與無央數諸菩薩衆眷屬圍遶宣布道化能仁如來所演光明遍照彼土又其佛土有一菩薩名曰妙音從過去佛殖衆德本供養無數百千光𠙴諸佛正覺每見諸佛諮詢受經典達成聖慧以得尊幢三昧定法華

三昧施離垢三昧樂宿王三昧無着光三昧慧印三昧普曉諸音三昧等集衆德三昧喜信淨三昧神足戲樂三昧慧光三昧嚴淨王三昧離垢光三昧離垢藏三昧無緣三昧目轉三昧取要言之普悉逮得億百千妓江河沙數諸三昧定其佛光明普遍周至照妙音

菩薩妙音菩薩蒙佛聖光自詣佛所白世尊曰我欲往詣至忍世界見能仁佛稽首作禮諮受經典及欲致敬文殊師利藥王菩薩妙勇菩薩宿華王菩薩尊意行菩薩淨王菩薩超藥菩薩諮講經義受諸不及令一切聞悉發道意其佛告曰往族姓子雖到彼土莫發異想而念其土懈廢下賤所以者何又族姓子彼忍世界其大陸地黑山雜糅衆垢石沙穢惡充滿谿間山谷不與凡同其土佛身卑小丈六菩薩諸身長七八尺又卿本體高四方二千踰旬而我現身八万四千踰旬端正殊好色像第一威耀殊妙相好顏色難可比

喻積百千德觀莫不歡又卿往至見彼土人慎莫心念起不可想如來菩薩佛土不如所以者何佛土本空衆生罪福現有不同妙音菩薩復白佛言承佛威神如來聖力道德巍巍以自娛樂往詣忍世界如來道慧清淨之業輒當如法無所違失不敢起想

於時妙音菩薩心自念言不起于座即如其像三昧正受到忍世界至靈鷲山當在如來法座中間化作八万四千億衆寶蓮華紫金莖白銀葉嚴飾淨好光明巍巍照諸會者輒如所念即時辦矣文殊師利問能仁佛唯然世尊今化現此八万四千衆寶蓮華紫金莖

正法十方二

白銀葉清淨嚴好此誰瑞應而現此變佛告文殊有菩薩名妙音從紫金離垢宿華王佛土而來與八万四千菩薩俱進至此忍界欲見吾身稽首詣問欲得聽聞正法華經故先現瑞文殊師利復問佛言其人宿本積何功德造殊妙行而今致此奇特洪勳在何三昧

本造立行願欲聞之所行三昧神足變化吾等聞之當受奉行見諸菩薩顏貌色像爲何等類舉動進止何所饒益甚哉世尊唯現瑞應使諸菩薩來現於此衆會欲見佛語文殊卿當啓白衆寶如來今現瑞應使諸菩薩咸來至此各現身相一切衆會皆欲見之文殊師利即受佛教輒啓滅度衆寶如來尋現瑞應於時妙音菩薩而於本土忽然不現與八万四千菩薩俱動諸佛土雨寶蓮華同時發作百千億伎樂諸來菩薩各自現形其眼明好猶如紺色顏貌充滿如月盛明體紫金光無央數億百千功德莊嚴其身威神巍巍智慧光光奇相衆好文飾光顏身力無極其身處在七寶絞絡於虛空中去地四丈九尺與諸菩薩眷屬圍遶到忍世界至靈鷲山下寶絞絡手執寶瑛其價百千詣能仁佛稽首足下以持貢上能仁如來復白佛言紫金離垢宿華王如來致問無量起居輕利由步康強

在

正法十

三

方

又問世尊說法如常乎衆生一切受者增進耶蠲除狐疑順法律不也將無多懷姪怒癡行憎嫉饕餮不能恭敬孝順父母聽受道法如法奉行不墮邪見愛惜財寶諸根不定爲降諸魔衆官屬乎又諸衆生聽受滅度衆寶如來所說法耶今諸菩薩故來詣此本土如來之所發遣欲得奉見七寶塔寺滅度衆寶如來問訊啓受聖體康寧說法如何衆生普受行如法不衆寶如來現住久如我等故來欲得覩見衆寶如來形像所類願佛現之時能仁佛語衆寶如來今妙音菩薩及諸眷屬欲見世尊聖體形像衆寶如來尋時讚曰善哉善哉族姓子卿能故來見能仁佛稽首詰受正法華經及復欲覩文殊師利啓諸不逮時蓮華首菩薩問佛妙音菩薩往宿命時積何德本乃致斯變無極神聖時能仁佛告蓮華首菩薩曰乃往過去久遠世時有佛号雲雷音王如來至真等正覺講說經道六度無

極菩薩法藏天上天下靡不蒙安時妙音菩薩聞其所說欣然意解鼓百千音樂娛樂其佛八万四千衆寶妙器貢上至尊如是精進供養如來万二千歲又族姓子妙音菩薩往宿命時從雲雷音王如來之世修無上法種此功德未曾懈廢傳如來者化諸愚冥不識至真悉令信樂欲知尔時妙音菩薩今妙音菩薩是也用彼世時布施寶器衆伎樂音又復供養無數諸佛億千佛所植衆德本修治衆行前世值遇億百千垓江河沙等諸佛世尊今蓮華首爲見妙音菩薩所行不可限量變無數形爲諸衆生宣布講化正法華經或現梵天形色貌而誘立之或現天帝形或尊豪形或將軍形化導衆兵或息意天王轉輪聖王諸散小王尊者長者諸令長形沙門梵志形像色貌說正法華經或現比丘比丘尼清信士女形宮人採女長者夫人諸貧賤女形男女大小而誘立之說正法華經或阿須

倫形迦留羅真陀羅摩休勒人非人形像色貌而誘立之說正法華經或入地獄餓鬼畜生及諸八難所在擁護而救濟之上中下士前後進退隨其形體男女之像而開化之說正法華經或入中宮化皇后形度衆貴人蓮華首當知妙音菩薩將護忍界一切衆生又族姓子妙音菩薩以若干變無數方便誘忍佛土演正法華經神足威德未曾損耗而復增益也聖慧道智亦復如是又族姓子妙音菩薩光明功德智慧巍巍周旋十方隨時開化輪轉無際皆使入律上中下願各令得所還遊忍界復至他方江河沙佛土現菩薩身而爲說法又現聲聞緣覺色像而開化示本行所學聞之巨然各成所志不違本誓若有衆生奉如來律以佛色像隨其道律示現形貌顯授大道無上正真欲慕泥洹現已滅度因而示儀開化道慧妙音菩薩勢力聖智不可測度超絕巍巍功德若斯無以爲喻

於是蓮華首菩薩前白佛言妙音菩薩積功累德堂堂乃余唯然出尊住何三昧開化衆生不可限量能仁如來告蓮華首菩薩曰族姓子聽有三昧名現入衆像妙音菩薩住斯定意利益開化無限衆生使入道義佛說是妙音菩薩章句品時其諸菩薩與妙音開士俱發來者尋時皆逮現入衆像三昧正定其行殊勝於是忍界超越菩薩所修定意諸有限數若有逮致現入衆像三昧便得摶持攬持三世無不蒙濟時妙音菩薩供養能仁如來至真具足奉事衆寶如來塔寺舍利欲還本土前贊首禮能仁如來自歸而退與衆會別動震諸國兩衆蓮華同時和鼓百千億妓雅頌伎樂與八万四千諸菩薩衆俱歸本土前贊首禮妙紫金離垢宿華王如來以詣忍界導利衆生又觀衆寶如來寶寺舍利及文殊師利藥王菩薩所逮精進無極道力見妙勇菩薩令是八万四千菩薩皆得正行現入

衆像三昧往到彼間俱共進行四萬二千天子聞正法華經皆悉逮得無所從生法忍蓮華首菩薩逮正法華定

正法華經光世音普門品第二十四

於是無盡意菩薩即從座起偏露右臂長跪
義手前白佛言唯然世尊所以名之光世音
乎義何所趣耶佛告無盡意曰此族姓子若有衆生遭億百千姪困厄患難苦毒無量適
聞光世音菩薩名者輒得解脫無有衆惱故
名光世音若有持名執在心懷設遇大火然
其山野燒百草木叢林屋宅身墮火中得聞
光世音名火即尋滅若入大水江河便流心
中恐怖稱光世音菩薩一心自歸則威神護
令不見溺使出安隱若入大海百千億姪衆
生豪賊處海深淵無底之元採致金銀雜珠
明月如意寶珠水精瑠璃車磲馬瑙珊瑚虎
珀載滿船寶假使風吹其船流墮黑山迴波
若經鬼界值摩竭魚衆中一人竊獨心念光

世音菩薩功德威神而稱名號皆得解脫一切衆患及其伴侶衆得濟渡不遇諸魔邪鬼
之厄故名光世音也佛言族姓子若見怨賊
欲來危害即稱光世音菩薩名號而自歸命
賊所持刀仗尋段段壞手不得舉自然慈心
設族姓子此三千大千世界滿中諸鬼神衆
在正法十方

邪逆魅欲來燒人一心稱呼光世音菩薩名
自然爲伏不能妄犯惡心不生不得邪觀若
人犯罪若無有罪若爲惡人縣官所錄縛束
其身杻械在體若枷鎖之閉在牢獄拷治苦
毒一心自歸稱光世音菩薩名號疾得解脫
開獄門出無能拘制也故名曰光世音佛言
如是族姓子光世音菩薩境界威神功德難
可限量光光若斯故号光世音佛告無盡意
假使族姓子此三千大千世界滿中衆逆盜
賊怨害執持兵仗刀刃矛戟欲殺万民一部
賈客獨自經過在於其路齋持重寶導師恐
怖心自念言此間多賊將無危我劫奪財寶

當設權計脫此衆難不見危害謂衆賈人不宜恐畏等共一心俱同發聲稱光世音菩薩威德輒來擁護令無恐懼普心自歸便脫衆難不遇賊害衆賈人聞悉共受教咸俱同聲稱光世音身命自歸願脫此畏適稱其名賊便退却不敢觸犯衆賈解脫永無恐懼光世音菩薩威德境界巍巍如是故曰光世音佛復告無盡意菩薩若有學人姓怒癡盛誓首歸命光世音菩薩姪癡怒休觀於無常苦空非身一心得定若有女人無有子姓求男求女歸命光世音輒得男女一心精進自歸命者世端正顏貌無比見莫不歡喜所生子姓而有感相衆人所愛願樂欲見植衆德本不爲罪業其光世音威神功德智慧境界巍如是其聞名者所至到處終不虛妄不遇邪害致得無上道德果實常遇諸佛真人菩薩高德正士不與逆人無反復會若聞其名執持懷抱功德無量不可稱載若有供養六

在王法十

十二億恒河沙數諸菩薩等是諸菩薩皆使現在等行慈心若族姓子族姓女盡其形壽供養衣被飲食牀卧具病瘦醫藥一切所安福寧多不無盡意曰多矣世尊不可限量所以者何是諸菩薩無央數億不可譬喻佛言雖供養此無限菩薩不如一歸命光世音菩薩誓首作禮執持名号福過於彼況復供養雖復供養六十二億恒河沙數諸菩薩等執持名号計此二福億百千劫不可盡極終不相比是故名曰光世音

於是無盡意菩薩前白佛言光世音菩薩以何因緣遊忍世界云何說法何謂志願所行至法善權方便境界云何佛言族姓子光世音菩薩所遊世界或現佛身而班宣法或現菩薩形像色貌說經開化或現緣覺或現聲聞或梵天像或天帝像而說經道或捷智和像欲度鬼神現鬼神像欲度豪尊現豪尊像或復示現大神妙天像或轉輪聖王化四域

像或殊特像或復反足羅刹形像或將軍像
或現沙門梵志之像或金剛神隱士獨處仙
人僮儒像光世音菩薩遊諸佛土而普示現
若干種形在所變化開度一切是故族姓子
一切衆生咸當供養光世音其族姓子所可
周旋有恐懼者令無所畏已致無畏使普安
隱各自欣慶故遊忍界

於是無盡意菩薩即解己身百千寶瓔以用
貢上於光世音唯願正士受此法供己身所
有殊異寶瓔而不肯受時無盡意復謂光世
音唯見愍念以時納受願勿拒逆時光世音
心自計念不用是寶無盡意言唯復垂愍諸

王法十

八

五

天龍神捷沓和阿須輪迦留羅真陀羅摩候
勒人及非人受其寶瓔輒作兩分一分奉上
能仁如來一分供養衆寶如來至真等正覺
貢上寶寺其族姓子普為一切以是之故神
足變化遊忍世界無所不濟
於是持地菩薩即從座起前白佛言假使有

人聞光世音所行德本終不虛妄世安隱
至無極慧其光世音神足變化普至道門所
顯威神而無窮極佛說是普門道品彼時會
中八万四千人至無等倫尋發無上正真道意
正法華經總持品第二十五

於是藥王菩薩即從座起長跪叉手前白佛

言若族姓子及族姓女聞是正法華經典受
持懷抱書寫經卷獲福如何佛言族姓子女
受持是經誦在懷抱書寫經卷福不可量無
以爲喻若族姓子供養八十億百千垓恒河
沙諸如來衆若復受持懷抱書寫是正法華
經講說供養何所福多於意云何寧當一心
奉持經典若以衣食供養諸佛藥王菩薩白
佛言若族姓子及族姓女受正法華經典之
要執持書寫一四句頌講說諷誦若復奉行
具足成就其福最多勝於供養若干恒河沙
諸佛世尊佛言甚哉法之供養最爲第一藥
王菩薩復白佛言我當擁護如是等輩諸族

王法十

正法十

九

方

姓子及族姓女受此經者斯法師等以義宿衛長使無患誦揔持句又尋祝曰

奇異所思意念無意永久所行奉修寂然澹泊志默解脫濟度平等無邪安和普平滅盡無盡莫勝玄默澹然揔持觀察光耀有所依倚恃怙於內究竟清淨無有坑坎亦無高下無有廻旋所周旋處其目清淨等無所等覺已越度而察於法令衆無音所說鮮明而懷止足盡除節限宣暢音響曉了衆聲而了文字無有窮盡求無力勢無所思念

藥王菩薩曰唯然世尊是揔持句六十二恒河沙諸佛所說假使有犯此祝言者若復違毀此等法師爲失諸佛世尊道教佛歎藥王菩薩大士善哉善哉若族姓子說揔持句爲衆生故愍念擁護多所安隱

於時妙勇菩薩前白佛言唯然世尊我身亦爲衆生之故欲令永安若有奉持此經典者授總持句將護如此諸法師等令無伺求得

其便者鬼神諸魅溷廁衆鬼冤鬼獸鬼餓鬼反足雖欲來燒無能得便妙勇菩薩專心思惟說此揔持曰晃耀大明炎光演暉順來富章悅喜欣然住此立制永住無合無集是揔持句恒河沙等諸佛所說咸共勸助若違如來如是比像諸法師教還自危已時毗沙門天王前白佛言我亦當演此揔持句加以慈心爲衆生故擁護法師富有調處無戲無量無富何富以是擁護諸法師等百由旬內無敢犯觸宿衛將順諸族姓子如是比像至學法師乃能受持以是擁護常獲吉利時順怨天王在彼會坐與諸香音億百千妓鬼眷屬圍遶往詣佛所前白佛言唯然世尊我亦當宣此揔持句無數有數曜黑持香爐祝大體于器順述暴言至有唯然世尊此揔持句四千二百億諸佛所說以此揔持擁護供養諸學經者令無伺求得其便者

時有一物名有結縛復名離結復名施積復方

名施華復名施黑復名被髮復名無着復名持華復名何所復名取一切精徃詣佛所鬼子母與諸子俱異口同音前白佛言我等世尊常當擁護如是比像諸法師等加施吉祥令無伺求得法師短于時諸魅同共舉聲宣此總持將順法師於是於斯手余於氏極甚無我無吾無身無所俱同已興已生已成而住而立亦住嗟歎亦非消頭大疾無得加害是等之類是我眷屬令無所犯擁護法師消除鬼神諸魑魅餓鬼溷鬼變鬼盡道符祝癒狂顛鬼化是像來若鬼神形及非人像二日三日若至四日若常熱病若復夜卧值惡夢者若現男女大小諸像我等擁護令無伺求得其使者於時諸魅共於佛前說此頌曰

犯頭破七分 猶如華菜剖 當致殺母罪亦得害父殃 其有犯法師 皆當獲此釁世世得不安 不與諸佛會 破壞佛寺罪聞亂聖衆殃 如合衆麻油 麻油聚一處

放火皆熾然 消盡無有餘 其有犯法師

當獲此罪殃

猶如稱戴峻

罪垢之所聚

其有犯法師

當獲此重釁

諸鬼神軍頭等說此偈已前白佛言我等咸護如是比像諸法師等使常安隱除去怨敵周市宿衛令無傷害若有行毒毒爲不行時

王法十

十一

方

佛嗟歎諸魅所祝善哉善哉汝等乃欲護諸法師若聞此經宣持名號德不可量何況具足隨時持說書在經卷若以供養華香幢蓋雜香擣香然燈懸繒思夷合歡青蓮紅蓮黃蓮白蓮消着油蘇以用然燈供養此經勤修不懈百千億倍福不可限汝等當護如是比像精進學者佛說是總持品時六万八千人逮得無所從生法忍

正法華經住世淨復淨王品第二十六

佛告族姓子乃往過去無央數劫不可思議長遠難量尔時有佛号總持水雷音宿華慧王如來至真等正覺明行成爲善逝世間解無

上士道法御天人師爲佛世尊世界曰照明嚴飾劫曰愛見又族姓子於其佛世有王名淨復淨爾時其王有一正后名曰離垢施其后有二子一名離垢藏二名離垢目又其二子皆得神足輕舉能飛智慧具足功德備悉聖達巍巍行菩薩業夙夜精進未曾懈廢勤心專精六度無極善權四等所濟無限悉達通達三十有七道品之法普暢道義所旋周業進達離垢三昧定矣度宿日光三昧離垢光三昧離垢顯耀三昧淨莊嚴三昧大威藏三昧皆得通達此三昧定而度無極時佛集會與諸四輩釋梵四天王諸天人民班宣分別正法華經時佛愍念一切衆生哀傷國王皆欲化之使入大道又族姓子其二太子往詣母所義手白言唯願屈意見念加慈專精身心欲徃到佛所奉見如來身亦自欲稽首歸命所以者何今日如來爲天上天下一切衆生廣宣要典正法華經故當奉觀聽正法

華離垢施后告二太子汝等父王志存外邪信樂梵志常懷瞋恨以是之故不可得徃時二太子同心义手自復白其母我等薄相所生邪見無義之家又我等身本是法王子當以經道化于濁俗反偽向真尔乃佛子於是離垢施后告二太子善哉行矣汝真孝子爲

在
正法十
方

正法十
方

十三

方

其父母修大慈愍各顯神足覩之欣然心中開解便聽子等俱詣佛所誓首受業時二太子輒受母教其身踊住在虛空中去地七仞愍念其親各現威變在於虛空二人俱時坐卧經行身上出火身下出水身上出水身下出火演大光明照耀遠近現身長大復還爲小從虛空下入于地中若人入水從地踊出處在虛空猶如履地其二太子現若干變而顯神足以用開化於其父母于時父王覩其二子神足變化威德若斯欣然踊躍善心生焉躬身義手向二子曰汝等師主所受誰乎時二太子自啓父王大王欲知我等師主惣

水雷音宿華慧王如來至真是我等師主今者現在遊於寶樹下處于法座爲四部衆諸天人民廣演宣布正法華經其佛世尊是我等師主也王告二子吾欲往詣卿等師主奉覲親受大聖正真無上言教時二子從虛空下行至母所自白其母而以手言阿母威德

則化父王以造立心無上正真因成道教聖
車之業唯垂愍念聽我詣佛出家爲道得作沙門時二太子爲母說偈

唯母聽我等出家爲沙門如來甚難遇

曼時當精學所云難得值猶如靈瑞華

難遇復超彼閑靜不可得

在正法十十三

於時王后離垢施而頌告曰

吾以聽汝等善哉子輒去至聖甚難值

我亦出家俱

余時二太子歎是法頌報父母已重復白父王及所生母唯願二親同時一心俱往詣憩水雷音宿華慧王佛所屈意時發見彼世尊

稽首歸命所以者何二親當知佛興難值猶靈瑞華亦如意最上明珠佛亦復然不可再遇是故我等來生此土心念出家功德第
一由是之故不宜有難便可相許報言善哉得出家學棄捐愛欲捨其俗業所以者何若覩如來福慶無量人命難得佛出難值離於八難得閑靜難猶死更生父王皇后報子言諾宜知是時佛言族姓子余時淨復淨王宮內八万四千宮人嫁女宿命本德應得啓受是正法華經典本是道器離垢目太子宿命本修行積功累德從來無限離垢藏太子無央數億百千垓劫往昔宿命曾以奉行棄於衆生一切惡趣三昧正定何謂棄於衆生一切惡趣三昧正定其王正后二太子母離垢施者曉十方佛一切道同諸佛要集諸佛奧藏無極聖慧以權方便現于女身也佛告族姓子時王淨復淨見二太子所現神足化入如來至真之法以得超越展轉相教展轉相

成多所度脫一切盲冥咸入道明便自發意與其眷屬四万二千離垢施后與諸群黨隨二太子中宮媛女群臣百官一時和同往詣佛所贊首足下退各就坐從本常位時佛見淨復淨王與大眷屬自投歸命因其本行觀宿所緣而爲說法應病與藥各得開解欣然踊躍善心生焉更立國王荊駕印綬與其正后離垢施及二太子宮人媛女一切官屬棄國捐王行作沙門已作沙門八万四千歲奉修道業思惟觀察是正法華經典之要諷誦奉行如佛所教無所違失於是淨復淨王遵奉勸修正法華經與其眷屬竟八万四千歲

在

正法十

十四

方

堅住無極得奉如來啓受經法乃爲至聖無蓋善師是二子者示現子像生我家耳皆是宿世明識本德承佛仁慈非是凡庶之可思論佛告王曰如是如是大王如大王所言是二太子宿植德故乃能示現因欲開王及諸眷屬一切衆生佛言大王若族姓子及族姓女學是經典所生之處周旋終始易得善師顯世尊教得立無上正真之道開化導示度脫一切是爲微妙無極之業展轉相教展轉相成得至聖諦無極之處值佛道法王用遇善師得見如來啓受經法由勸助恩王今寧見此二太子是諸族姓子前世已曾供養奉事六十五億百千光焰恒河沙等如來至真而復受持是正法華經愍傷衆生沒在邪冥九十六種不能自濟故開化之令住正見修行精進求佛大道

於是佛語族姓子曰其淨復淨王於彼世時數衆功德從虛空下即以十指前白其佛唯

十五

方

佛宣布如來至真本宿命時行何功德聖慧
巍巍眉間之相演大輝耀照無限國而目明
好徹觀十方其眉間相白如珂雪柔軟細好
巍巍光澤平正無邪無所不照世尊面像充
滿如日安住道目猶如月初一切觀之而無
狀極於時國王說此頌曰 其殊異功勳

巨億百千垓 虛空尚可喻 其慧不可限
佛以頌答曰

前世行中正 加施人平等 故使眉間相
所照無有限 和視施燈慧 目明喻日月
其眼如月初 徹觀十方國

時王嗟歎已叉手白佛至未曾有如來至真
之教弘慈無極不可思議功德具足敷演道
義施設法禁令無罪覺長塗之難皆得無患
唯然世尊如吾今日心不放逸由得自在不
墮邪逕棄捐自大不從虛偽亦無瞋恨不興
惡心無益之業我國多事欲出家學不還中
宮重欲自歸所有供養佛言大佳時王即起

誓首佛足其王正后離垢施者解身百千所
着寶瓔以散佛上佛之威神化成七寶交露
之帳化為交露琦異妙帳自然有牀布以無
數琦異坐具如來坐上於時國王心自念言
至未曾有天尊至得交露帳中所見如來甚
大端正威神巍巍光色第一顏貌充滿淨好
無比願令一切皆蒙此度於時世尊告四部
衆汝等寧見淨復淨王一心义手而住佛前
皆曰以見佛言比丘是王於今是我學出現
比丘像於將來世當得作佛名曰種帝王如
來至真等正覺明行成爲善逝世間解無上
士道法御天人師爲佛世尊其佛土曰廣普
劫曰超王於時其佛諸菩薩衆不可稱限諸
聲聞衆亦無央數其佛世界平等如掌無有
傾邪無砂礫石得作佛時威神巍巍廣大無
極光光如是能仁如來告族姓子欲知爾時
淨復淨王發道意者豈是異人莫造此觀所
以者何則是今現蓮華首菩薩是欲知爾時
正法華經第廿七冊

離垢王后者今光照嚴飾菩薩是常念諸菩薩愍傷衆生故生彼國開化度之欲知尔時二太子者則今藥王菩薩超藥菩薩身是又族姓子藥王菩薩超藥菩薩功德巍巍無限若斯在無央數億百千妓諸如來所植衆德本是二正士道德備悉不可思議若有聞此二正士名執持懷抱一切衆人皆當禮敬如是學士天上出間皆歸仰之佛說是往古宿世本所行時八万四千人遠塵離垢諸法法眼淨

正法華經樂普賢品第二十七

於時普賢菩薩過東方恒河沙諸佛國土諸菩薩來者動諸佛國兩衆蓮華鼓億百千妓伎樂歌歎如來功勲承其開士其大神足無極變化大菩薩身威神巍巍聖旨玄妙普照十方與諸天龍捷陀羅阿須倫迦留羅真陀羅摩休勒人及非人俱各各將諸眷屬各顯神足不可思議至靈鷲山往詣佛所稽首足

下繞佛七匝前白佛言我從寶超威王如來佛土來承今世尊演正法華經故至忍界欲得聽受與諸菩薩無數百千亦樂聽聞所宣道議善哉世尊唯加垂哀以時班宣正法華經寧有女人何所修行得奉執經卷時佛即告普賢菩薩族姓子女人有四事法得是經在正十一方

卷何謂爲四一曰常爲諸佛所見建護二曰積功累德不以懈廢三曰能分別化究暢衆要諸所聚處四曰普護衆生發未發者是爲四逮是經卷

時普賢菩薩前白佛言最後末俗五濁之世若有比丘受是經典長擁護之令得吉祥除衆枉橫毒亦不行令無伺求得其便者有受是經咸共宿衛令魔波旬不能燒亂及諸官屬諸鬼神龍溝邊溷鬼盡道符祝令不得行躬身自往常以一心擁護法師當使安隱若比丘學此經典坐起經行精進修業上馬車乘往到其所護此經典與諸菩薩眷屬園

遠俱當往詣法師比丘受是經者思惟行者令不亡失正法華經一句之義乘駕往詣此學士所目自奉見爲是經故見我歡喜普更勤學當護法師逮得三昧若復獲致迴轉摠持又當逮成若干百千億周旋摠持曉了一切諸音摠持唯願世尊若於最後餘殘末俗

五濁之世餘五十歲中比丘比丘尼清信士清信女受是經典宣示同學持書慕求爲他人說最後末俗餘五十歲若能受是正法華經心存解義精進不廢致二十一日諸行稍備已致諸行二十一日勤心存於法自現可敬巍巍之德乘六通馳與諸眷屬大小相隨往詣法師勸助法師二十一日專修此法使心開解懷致摠持若使法師不化衆生若不勤助不能開化非人得便猶是法師不得擁護不致安隱是故學者常行精進承佛威神宿衛法師若有法師持佛正法便勤精進願聽摠持其辭祝曰

無我除我回我方便賓仁和除其柔軟柔滿句見諸佛因諸摠持行衆諸說蓋回轉盡集會除衆趣無央數計諸句三世數等越有爲學諸法曉衆生音師子娛樂

唯然世尊是則名曰是摠持句若有菩薩耳根聽聞此摠持句入耳中者即當知之普賢

在正法十

十八

菩薩之所建立是正法華經若布施天下閻浮利內值是經者心當思念普賢菩薩威神所致令我等輩致是經卷普賢菩薩所行神化令此衆人致此妙典斯等衆生無數佛所積衆德本如來至真手摩其頭若有書寫執持在手則奉佛身敬愛道法敬書是經書是經已欲解中義於此壽終生忉利天適生天上八万四千天人玉女往就供養鼓琴歌頌已作天子坐玉女中而相娛樂若族姓子但

書是經功德如是何況誦說思惟中義是故世尊一心勤修正法華經書持經卷常當思惟一切不忘當禮此人用書是經至德所致

而爲千佛所見授臂臨壽終時面見千佛遊
在吉安不墮惡趣壽終之後生兜術天適生
天上八万四千諸玉女衆往詣其所鼓諸伎
樂而歌頌德在諸玉女以法相樂是族姓子
書是經者功德如斯何況誦說思惟其義是
故勤修書寫宣傳正法華經思惟奉行皆令
具足專精一心志未曾亂千佛授臂臨壽終
時面見千佛不墮惡趣於是壽終生兜術天
在彌勒佛所成菩薩身三十二相莊嚴其體
億千玉女眷屬圍遶是故智者常當勤修書
是經典敷演思惟唯然出尊若有書此經卷
思惟誦說功祚無量不可稱限巍巍如是是

在

正法十

十九

方

故智者書持是經當得逮致若干功德吾以
是故建立是經用吾弘意勤念道法流布天
下闊浮利內於是能仁如來至真告普賢曰
善哉善哉汝乃發心多所哀念精進勤護將
來菩薩勸導於斯無思義法其心懷抱無極
大哀發心之頃攝無量行各執經卷建立擁

護若有受持普賢菩薩宣其名者則當知之
見能仁佛前已曾聞如是像法供養奉事見
能仁佛班宣經道讚之善哉如來摩頭則當
謂之是普賢也佛之威神之所建立佛以衣
服而覆護之受如來教不樂俗業不喜調戲
合偶嘲謔不好歌舞不遊在外不入屠殺養
猪雞鴉不與女人無益從事若聞是經書寫
聽受持諷誦說樂如是像自然之法思惟奉
行緣內精專自興福力一切衆生若有覩見
靡不愛敬若有比丘受持此經不爲婬怒癡
所縛不爲貪嫉自大所繫不懷憍慢剛強自
用強梁邪見已利止足若有法師普修至賢
最後末世餘五十歲五濁之俗若有比丘受
持是經當作是智思惟解念是等族姓必至
道場降伏魔官而轉法輪擊於法鼓吹大法
螺演時法雨於師子座而處法坐最後末世
受持是經功德如是又是比丘不猗利養不
貪衣鉢是等法師志性質直而無諭詣不鑿

癡冥其人現在自然如是若有比丘受持是經。世世不忘所生聰明黠慧未曾解盲。現在獲安無有衆患。若毀此經。訶學持者而復誹謗其人。現在身致癲病。見書是經非之不可。而共調戲所生之處。其身缺脣爲火所燒。常遇諍訟。鼻面生皰。手足了戾。口目不正其身。

臭穢體生瘡痍。醫藥不治。困苦難言。若說是經。有聞見者宣之。不可憎惡。不喜所說。不誠。言不真實。用是犯惡衆罪之故。得殃無量。在所不安。佛言是故。普賢若見比丘受持是經。遇起遠迎恭敬承事。如奉如來。今佛現在靡不歸命歸彼法師。如是無異。乃應佛教佛說。方在

是樂普賢品時。如恒河沙億百千垓諸菩薩衆。皆逮總持。

正法華經偈累品第二十八

於是世尊能仁從法座起。令諸菩薩如其色像。示現神足。都舉大會。着其右掌而讚歎曰。諸族姓子。佛從無數不可計會。億百千劫。積

累造行。乃成無上正真之道。得度無極。故取諸賢安錯。右掌舉手下之。以爲念識。當受斯經持諷誦。讀當爲衆會分別說之。令諸群生普得見聞。又族姓子心無所着。勿得秘惜。此正法華經志。無所畏則。施佛慧如來之慧。自在之慧。則爲無上無極法施。當學佛行。無得矜惜。慳愛重宜廣示。現斯如來慧。當使遍聞。至所不至。往所不往。當勤聽受。此要經典。其不信者。當令信樂。當勸群生入于尊法。諸族姓子能如是者。則知如來之所建立。時諸菩薩爲能仁世尊所見。咨嗟悉踊躍。加敬傾身側體。陔頭义手。贊首歸命。向能仁佛同聲啓白。唯如世尊所勑。不敢違教。請奉行之。具足順從。如佛所宣願。勿爲慮。諸菩薩三啓。如是所至。到處周旋。十方班宣聖旨。余時能仁正覺。一切發遣。十方世界諸來世尊。各隨宜便。從其所安。時十方佛皆亦報曰。如來亦當從宜所安。諸如來正覺多寶世尊。七寶講堂。

方

佛之塔廟即復故處又諸如來皆從所安佛說是經時十方無量異佛世界諸來大聖坐佛樹下處師子座多寶如來及大士等諸餘學行現佛前者不可計會無數無量并從地中踊出菩薩諸大聲聞四部之衆諸天龍神阿須倫捷沓和世間人民聞佛所說莫不歡喜

崑山縣市居住張偉敬書一部

正法華經卷第十

在十

釋尼尼教反
釋釋音英正作
使使流疾疾作駛
同同相寺
矛戟矛居逆反
戟上音年下音反
齋齋字與眉二反
兜兜與毘同
溷溷廁上乎因
去聲初使反
奚鬼奚骨反
盍盍音盍許近
覺覺反下詮交
媾媾音媾許
鷲鷲木音
符符咒下音
祝祝蒲反